



Broj:01/5-02-2269-1/24  
Sarajevo, 29. 10. 2024. godine

**PREDSTAVNIČKOM DOMU  
PARLAMENTA FEDERACIJE BIH**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno:		31-10-2024	
Org. jed.	Broj	Priloga	Vrijednost

Komisija za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je 2. vanrednu sjednicu u utorak, 29. 10. 2024. godine, kojoj je prisustvovao osam (8) članova Komisije, tako da su ispunjeni uslovi za punovažan rad u pogledu kvoruma i odlučivanja. Prema jednoglasno utvrđenom dnevnom redu, Komisija je razmatrala:

1. Aktuelna sigurnosna situacija u Federaciji Bosne i Hercegovine,
2. Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

## IZVJEŠTAJ

### *Ad-1* Aktuelna sigurnosna situacija u Federaciji Bosne i Hercegovine

Nakon usmenog izlaganja Vahidina Munjića, direktora Federalne uprave policije, o aktuelnoj sigurnosnoj situaciji u Federaciji Bosne i Hercegovine, koja je i inicirala sazivanje 2. vanredne sjednice te sveobuhvatne diskusije svih prisutnih članova, Komisija je mišljenja da je sigurnosna situacija u Federaciji Bosne i Hercegovine NARUŠENA. Obzirom da nivo društvene opasnosti, koji u sebi nose krivična djela ubistva jednog i ranjavanja drugog policajca u Bosanskoj Krupi, zatim ranjavanja jednog maloljetnika u dvorištu jedne sarajevske srednje škole, kao i enormno velikog broja lažnih dojava o postavljenim bombama u školama i drugim ustanovama na području više kantona, posebno u kontekstu činjenice da su izvršioци ovih teških krivičnih djela – maloljetna lica, Komisija je jednoglasno donijela sljedeće zaključke:

1. Komisija traži od Federalnog ministarstva unutrašnjih poslova, da putem Federalne uprave policije inicira uspostavljanje odgovarajućeg formata komunikacije sa tužilačkim strukturama, zatim MUP-om KS, kao i akademskom zajednicom (UNSA) s ciljem definisanja procedura čijom primjenom će se sigurnosni sistem efikasnije suprotstaviti pojavi lažnih dojava o postavljenim bombama u školama, s akcentom na to da sigurnost učenika i nastavnog osoblja mora biti prioritet.





2. Komisija ovlašćuje predsjednika Komisije i predsjedavajućeg Predstavničkog doma PFBiH da izvrši dodatne konsultacije u vezi sa reaktiviranjem procedure donošenja Zakona o nabavljanju, držanju i nošenju oružja na nivou Federacije BiH.
3. Komisija za sigurnost Predstavničkog doma će reaktivirati ranije dogovorene aktivnosti po zaključcima Komisije – održavanje tematske sjednice “Sigurnost u saobraćaju u Federaciji BiH” i obilazak kantonalnih ministara unutrašnjih poslova iz FBiH od strane Komisije.
4. Komisija za sigurnost Predstavničkog doma Parlamenta Federacije BiH daje punu podršku policijskim i tužilačkim istražnim organima u naporima da u potpunosti rasvijetle sve okolnosti i motive predmetnih događaja i osiguraju relevantne dokaze, dovoljne za vođenje kvalitetnih sudskih postupaka po svakom od pobrojanih pitanja

**O sljedećim zaključcima Komisija će tražiti izjašnjenje Predstavničkog doma Parlamenta Federacije Bosne i Hercegovine.**

#### **ZAKLJUČAK I**

*Predstavnički dom Parlamenta Federacije BiH zadužuje Vladu Federacije BiH da pripremi izmjene i dopune Krivičnog zakona FBiH kojim će se, po hitnom postupku, pooštriti sankcije za roditelje maloljetnih počinitelaca krivičnih djela, generalno, a posebno krivičnog djela Ugrožavanje sigurnosti, na način lažnog dojavljivanja o bombama postavljenim u školama i drugim institucijama.*

#### **ZAKLJUČAK II**

*Predstavnički dom Parlamenta Federacije BiH zadužuje Vladu Federacije BiH da putem Federalnog ministarstva unutrašnjih poslova i Federalne uprave policije, a u korelaciji sa kantonalnim ministarstvima unutrašnjih poslova sačini Strategiju sigurnosti na nivou Federacije BiH koja će detektovati ključne sigurnosne izazove sa kojim se suočavaju policijske agencije u FBiH, te način njihovog preveniranja, kao i represivnog djelovanja u odnosu na iste, a sve u skladu sa nadležnostima za oblast sigurnosti, u skladu sa Ustavom Federacije BiH. Komisija predlaže da navedeni zaključak sadrži klauzulu kojom će se tražiti da Vlada FBiH, u prijedlogu budžeta za 2025. godinu, osigura potrebna materijalna sredstva za izradu navedene strategije.*



### ZAKLJUČAK III

*Predstavnički dom Parlamenta Federacije BiH zadužuje Vladu Federacije BiH da putem Federalnog ministarstva pravde osigura informaciju iz koje će biti vidljivo kojim i kakvim logističkim i kadrovskim resursima za smještaj i rehabilitaciju pravosnažno presuđenih maloljetnih lica raspolaže Federacija BiH.*

#### **Ad-2 Tekuća pitanja**

Po ovoj tački dnevnog reda nije bilo rasprave.

U skladu sa članom 53. Poslovnika Predstavničkog doma za izvjestitelja je određen Dragan Mioković, predsjednik Komisije.

PREDSJEDNIK KOMISIJE  
Dragan Mioković, s.r.